

卷八

書名 壽昌縣志十二卷首一卷 據乾隆十九年刊本鈔
 撰者 清 鍾沛 修, 清 陸銘一等 纂
 卷 卷八
 內容分類 史-地理-今地志-浙江
 索書號 史部-地理-都郡-197
 編號 B2650500

[彩色首頁1](#)

[東洋文化研究所漢籍目錄 編號: B2650500](#)
[東洋文化研究所漢籍目錄所藏漢籍善本全文影像資料庫 索書號: 史部-地理-都郡-197](#)
[漢籍善本全文影像資料庫文本壽昌縣志十二卷首一卷 據乾隆十九年刊本鈔](#)
 版權所有: [東京大學](#) [東洋文化研究所](#)
[使用上的注意事項](#)

壽昌縣志卷之一

歙州府

知府事加六級紀錄九次吳士進
 同知府事加三級史鳳輝

全鑒定

壽昌縣知縣加一級紀錄四次鍾沛王修

壽昌縣儒學教諭攝訓導事陸銘一

請養在籍原任長汀縣知縣邑人方暨謨全編

壽昌縣儒學廩膳生員毛培

建置沿革

封建變而郡縣因時立制沿革靡常年世
 雖遠大畧可考顧變者制也不變者地與

壽昌縣志 建置沿革

壽昌縣志卷之八

壽昌縣志卷之八

嚴州府

知府事加六級紀錄九次吳士進
同知府事加三級史鳳輝

全鑒定

壽昌縣知縣加一級紀錄四次鍾沛主修

壽昌縣儒學教諭攝訓導事陸銘一

請養在籍原任長汀縣知縣邑人方暨謨全編

壽昌縣儒學廩膳生員毛培

儒林


經籍具存微言恐墜研精覃思以開來而
紹往儒者之功也壽昌諸前哲有自陳本

齋而授春秋者有自呂東萊而傳易學者
彬彬焉後先相望是固可以觀其師承矣
前史皆有儒林傳以此數人擬之史法誰
謂不宜志儒林

宋

郭頤字養正縣東二都中村人孤貧力學從呂
成公遊魁南省登進士甲科宦情甚薄終軍
器監主簿頤得東萊之傳精於易通數學築
室曰固齋讀書其中屢空晏如

翁夢得字景說五都航川人唐詩人洮之後通



春秋端平間兩赴詞科尋隱居教授所著有
春秋指南一卷擴實二卷要論十卷紀要十
卷盤珠纂論十一卷地理總括若干卷

徐文鳳字伯恭馬驛西人從吳興陳本齋授春
秋有師法咸淳間屢魁胄監賜釋褐第二名
出身權知象山縣以慈惠稱本齋開闢沿海
辟之入簽廳諮決庶務後隱居教子遂不復
仕著有春秋捷經十卷

元

邵大椿字春叟八都長林人宋景定甲子年甫

十二領鄉薦為書經魁赴南省不第歸益勵志潛心理窟元世祖至元戊寅郡庠延聘講書歷壽昌龍游兩縣教諭婺源縣晦菴書院山長元初士子溺於詞章之習大椿倡明理學以振之學者始知趨向所著有四書講義若干卷

明

鄭崇字景召六都高橋人少聰敏過目不忘從鄉先生邵顧齋明性理之學且宗呂東萊之傳邑生儒皆師事之質以諸經奧義口如湧

泉分巡道魏觀至縣延見甚加禮焉謂其道學深醇文章富贍近代莫及

洪鼎字廷器市中心人兩浙名賢錄鼎性穎悟年數歲父授尚書一日寒甚課曰點水成冰輒應曰翻雷作電稍長百家子史過目輒記父歿肖豫於室朝夕饋食如事生中正德庚午舉人授福建邵武學教諭廣置學舍館諸生徒之貧者而餼之薦擢北國子監助教疏時宜八事司成陸琛署考語於銓部曰懷深遠之識負諫諍之資出判鳳陽歸築室蓮谷精

所理學貫通六經妙契一中之旨士類宗之
著有讀易索隱大學參義中庸通旨八詠析
言等書

劉候字原道一字伯元六都勞村人父早世叔
應龍教之甚嚴年十九以詩經中正德庚午
舉人受業王陽明先生得良知之傳嘉靖十
三年提學林雲同聘主天真書院一時學者
皆赴焉候一作候


劉儻字伯高勞村人博覽羣書金華姜良翰有
宿名儻往師之姜叩其蘊大驚曰此吾老友

也婺人稱為劉書厨以選貢入太學授南雄
推官遷吉安通判皆有聲有正蒙解若干卷

舊志列文苑今入此

翁恒吉字尚一清泉人歲貢生任海鹽訓導歷
永康教諭温州府教授所至訓人以窮理致知
躬行實踐學者稱為正一先生

李統字涵一溪南人歲貢生任武義訓導擢廣
東連州學正兩攝州篆多惠政轉台州教授
引年歸以窮經為務年九十餘猶日理緝帙
人以為真儒者風



洪禹功字懋卿市心人天資絕人讀書過目不忘析疑義娓娓若霏玉屑受業者皆成通儒所著有尚書棟珠四書大全集要天啓元年拔貢謁選得通州同知未之任卒於京師

洪公述字毓昌幼穎悟與兄公遂皆有文名公述沉心理學獨窮濂洛關閩之奧取古人嘉言懿行錄置座右以自警貢入禮部任永康訓導轉黃巖教諭台州為紫陽朱子宦遊之地而黃巖有丹崖書院公述手著丹崖勗士錄博採先儒粹語附以己見分列數十條先以敦倫終以騎射為有體有用之學轉寶慶府教授乞休歸閑居三十餘年親課孫以舉業卒年九十餘

已上舊志已下續增

皇清

洪康生字文治邑庠生性醇朴見者知為老成攻苦下帷絕口不問戶外事邑令吳煜延主義塾隨材誘掖士多彬彬可觀吳令以臯比坐擁匾旌之卒年七十餘

陳運淇字子瞻陳店人歲貢生任天台學訓導

性聰穎讀書數行俱下五經四子書凡先儒
義疏無不貫串而析衷之熟朱子綱目挑之
汨汨如流水尤精地志之學手寫輿圖凡十
數軸每談州郡關塞古帝王都會及歷代攻
守壁壘處所繁然如數掌上羅紋年十九補
博士弟子二十為人師至七十餘授徒五十
餘年凡蘭谿龍游及本邑先後執經請業者
幾數百人隨其材質而誘之口講指畫寒暑
不少輟雍正乙巳年七十四官天台一載歸
一日據案鈔杜詩擱筆久伸而逝年七十七

生平手鈔書滿數篋所著有易經講義芸窓
必讀諸書運淇學育心得不隨人唯阿弟子
方暨謨嘗問朱陸異同答曰天下惟身居堂
上方能判堂下曲直未有堂下人可判堂上
者朱陸異同惟高於朱陸者乃可評之我輩
皆求為朱陸廝養而不得者何敢妄置一喙
蓋其持論如此


文苑

輝煌黼黻潤色江山皆有藉於文謂文章
為小技者之雕龍之才而借高論以自文者

也語不云乎言之無文行之不遠壽昌數
華校藻代有其人靈棲洞彭頭山警拔清
新常芬齒頰後之人得其片言隻字亦可
以揚風化雅矣志文苑

唐

李頻八都長汀源人唐書文藝傳李頻字德新
睦州壽昌人少秀悟逮長廬西山多所記覽
其屬詞於詩尤長與里人方干善給事中姚
合名為詩士多歸重頻走千里丐其品合大
加獎梃以女妻之大中八年擢進士第調秘



書郎為南陵主簿判入等遷武功令於時畿
民多籍神策軍吏以其橫類假借不敢繩以
法頻至有神策士尚君慶通賊六年不送睥
然出入閭里頻密檣比伍與競君慶叩縣庭
質頻即械送獄盡條宿惡請於尹殺之督所
負無少貸豪猾大驚屏息奉法縣大治有六
門堰者廢廢百五十年方歲飢頻發官倉庸
民浚渠按故道廝水溉田穀以大稔懿宗嘉
之賜緋衣銀魚俄擢侍御史守法不阿狗遷
都官員外郎表丐建州刺史既至以禮法治

下更市條教時朝政亂盜興相推救而建賴
頗以安平官下喪歸父老相與扶柩葬永樂

州為立廟梨山歲祀之

按永樂鄉名
即今永平鄉

宋

鄭榮字光遠一都人七歲能綴文登天禧三年
進士第天聖初奉使契丹有威重契丹深敬
之使回仁宗曰使不辱命今得其人矣授崇
寧令丁父憂服闋起知衢州之西安廉能幹
濟深得民心卒於任民撫柩悲號護其喪歸
作去思亭於境上

胡楚材字公喬坊郭湖濱人明敏好學慶歷中
登進士第授真州判官調嘉興幕性剛直忤

權貴官止校書郎構默山草堂以琴酒棋釣

自適善屬文尤長於詩邑之佳山水皆有題

咏

鄭文珍字伯貴高橋人幼孤刻苦自勵遂於易
學得東萊呂成公之傳所為文章學者宗之
稱為同川先生子雷轟仕元為釣臺書院山
長建德路學正

明

胡榮字彥華楚材後裔治春秋能文洪武初為本縣儒學訓導遷河南通許知縣葉子明薦其文章稱為南人第一奉命草諭日本詔授奉議大夫楚府右長史卒於官


方寬字敬敷後街人嘉靖辛卯拔貢知甯德縣旋謝歸寬博聞強記所著嚴陵賦彙括一郡山川人物典麗瞻富警句可擲地作金石聲楓麓摘稿出入晉魏家居日久時以未展之蘊發揮楮墨間落落自異得其片紙者珍若珠璧焉賦列藝文志

諸葛昌字季昭坊郭人幼工文弱冠食饘試輒冠軍以例貢入太學旋以母老乞歸國子祭酒署其牘云諸葛生學識淵深品行端飭方今破格求賢何乃有高尚之請但情詞迫切始准終養以俟異日徵召可也書懷竒待聘四字以寵其歸既歸遂不仕所著有四六裨草編輯諸葛武侯集凡碑板文字多出其手卒年七十餘

洪公遂字毓蒼市心人幼負異質垂髫即食饘與弟公述聯翩競爽時有二蘇之目公遂文

追秦漢詩在元和長慶間尤以能書各年四十以貢授瑞安訓導瑞安多名山仙巖尤勝為陳止齋讀書之所公遂與縣令李燦箕往往登眺吟咏迭相倡和每一篇出傳誦必遍轉本庠教諭擢太平府教授時寇氣橫行學宮鞠為茂草公遂整宮牆創署舍人傳為洪公署以內艱歸絕意仕進崇正末以壽終

洪國史字君鑑市心人性嗜墳典積書充棟由增廣生援例入太學萬歷壬子科中北闈副榜復中天啓辛酉科副榜會覃恩當得邑令



不就歸益沉酣書史刻意為詩古文辭有文苑珠璣天一居詩稿嘗捐田二頃半輸縣半輸儒學與家祠邑人有義田錄紀其事年甫四十賚志以歿聞者惜之

已上舊志已下續增

皇清

毛可成字揆臣歲貢生生有異質年八歲隨父鳳彩宦華陽舟入巫峽阻風母吳能詩拈句云風把官程滯即應云人緣山色留後出峽所過山川城壘留題幾遍有蜀歸草長益肆

力於先秦兩漢唐宋大家諸古文落筆千言
碑銘記序直追作者康熙壬戌癸亥間邑令
曾華蓋委修縣志哀輯詳明人謂其有史才
年八十餘遇同人社集猶見獵心喜又手韻
成豪爽跌宕絕無老人衰颯氣其樗園雜咏
云白髮蕭蕭何所有囊中贏得幾篇詩其意
可謂也卒年九十餘

方棧字紹南後街人歲貢生性聰穎年十六充
博士弟子中丞徐蝶園公撫浙取入 敷文
書院肄業得師友講授為文益有繩度卜居

萬松山麓鍵戶課子暇則徜徉山水間意有
所適欣然忘食年五十二而卒子廷禧成進
士同時有方暨讓者邑廩生有文名於棧為
同族姪偕入書院人以大小阮目之年三十
六卒

隱逸

嚴灘清風遠噓百世地若此其近也甯無
聞其風而興起者乎高尚之懷獨居之節
將與雲山江水爭為流峙矣今屈指得數
人焉雲中脩羽非網羅所能致其人已往

行佛猶將遇之志隱逸

唐

翁洮字子平號青山五都航川人光啓元年登
進士第授主客員外郎退居不仕建州刺史
李頻上書薦其隱居求志禮宜徵用僖宗納
其言遣使徵之命睦州守臣催促就道又別
遣使往建州褒賜李頻以廣賢路之勸詔至
洮作枯木詩答之竟不起天子亦不強之仍
遣使賜以曲江魚焉洮裔孫應弼仕宋理宗
朝位工部侍郎乃追贈洮為善慶公

宋

鄭時中字元璋一都龍溪人博學善屬文以漕
試得舉見宋鼎將移杜門不出研精覃思作
春秋指迷詞旨高遠有諷之仕者不答授二
子各一經皆有成立語之曰功名汝自為之
非吾願也

元

李敦仁字至德仁四都白下人受業金仁山之
門延祐五年由鄉舉授崇安知縣陞江西儒
學提舉不樂進取尋告歸與里人洪國瑞許

應炎等觴咏為樂雖仕而有隱趣

明

鄭鏗字伯亮六都高橋人治春秋築書室曰潤色軒以文翰自娛不求仕進洪武初徵赴吏部以疾辭歸後膺郡守薦為本邑庠訓導不逾年復去

胡琇胡村源人邑廩生時有賑邊例琇援例入南雍授順甯府經歷歎曰古人不為五斗折腰吾家南山之南北山之北何所不適何必圖薄祿萬里外耶遂不赴依山築室扁曰與

造物遊植竹萬竿嘯傲自終

洪鼎字廷新鼎弟少攻舉子業未冠父歿事兄如父兄病鼎不安枕者數年遂絕意仕進築室號松山精舍讀書其中年踰七十卒

方鳳來字自丹後街人性慷慨有氣節崇正十五年貢禮部以母老不仕晨夕女劬甘旨親嘗母壽至百歲猶依依如孺子


翁化龍字卓如五都航川人洮二十四世孫性恬淡不樂榮利隱居授徒欣然自得人謂其得遠祖風

耆行

朝有純德之臣鄉有耆年之老此隆古之風所由還也壽昌為輯睦之鄉其敦龐醇固懷仁而抱義者往往萃乎其間後進者從而矜式之漸消其浮夸佻達之習其為廻瀾障川之助豈小補哉志耆行

宋

鄭同慶字景會六都高橋人性資凝重弱冠遭父喪哀禮稱情時屆軍興徭役數年教諸子未嘗一日曠師席仲子惟恭登仕籍分俸饋



之同慶以書諭之曰汝無事此勤以盡職廉以律身猶吾日享甘旨也鄉人稱其義方

元

劉登仕會通橋上人性淳朴富而不驕有五孫延五經師令各習一經孫應叟五經皆明領鄉薦名稱藉甚登仕好行其德遠方有就其家塾者嘗資以膏火


明

吳叔文三都吳山人器量豁達好施與邑令李睿創縣署叔文首以大木輸之修學宮助貲

尤厚奉檄救荒輸粟三百斛子萬宗邑令延
為子師其年輪編徭役叔文語之曰汝慎勿
求輕徭我取輕者孰當任其重其樂善概如
此

徐亦新六都人居坊郭政平坊慷慨有奇節歲
荒賑飢民六百口稱貸有逋欠者悉焚其券
當事旌為善人卒年八十二

翁世敬坊郭清泉人性淳篤接人無貴賤老幼
必盡恭生平足跡不履縣庭年八十餘有司
以例賜冠帶揭其名於旌善亭



毛邦政字心葵坊郭人性介直里中有牙角一
以理析之通史書好談因果崇正丙子電殺
禾麥歲大稔斗米千錢邦政自鄰及里以次
賑之人賴以濟居鄰縣治聞催科嚴急嘗捐
金償逋年八十以微疾終子鳳彩令蜀多善
政皆邦政平日教云

翁士元字尚育清泉人性友愛尤好義家本素
封遭中落士元獨力拮据讓肥處瘠所治生
產悉以裕諸弟崇正間邑焚城以石所費甚
鉅士元捐貲成之城堞若干十居三四卒年

八十

皇清

翁化日字崇昊清泉人性謙抑子之泰任泉州府通判化日恂恂惟謹家素饒時以周貧乏邑中建城化日自南門抵西偏獨力成之幾及百丈卒年八十有五

蔣應會字吉泉坊郭湖西人少孤依伯兄以居兄不善治生罄其父所遺墜之貧無立錫地應會無愠色兄歿鬻身為棺槨費人以其多之荼苦營生家漸饒輒施與邑罕知其名召詢以事侃侃直陳崇正十四年出粟賑飢巡道龔某給匾旌之卒年八十有七

已上舊志已下續增

唐聖斯麻車岡人有隱德恂恂里閭足不入城府延師課子子禮虞以廩生貢入太學

葉邦仕過塘源人提躬端謹子孫蕃衍教之必以法度年九十餘兩膺冠帶人稱為醇厚之報

葉有蕙字文彬常樂人少失母及長憾不能逮養時感泣性好推解里黨稱之舉鄉飲卒年

七十餘

旌義

上好仁而下好義不過常制之供也或有
 邊餉告匱而募充之濟荒多費而勸輸之
 上之命雖出於權宜而下之民卒能輕利
 以赴義則如漢之卜式是也表其間榮其
 名不亦可乎志旌義

明

翁志常坊郭清泉人輸財助公有旌義坊
 劉用安六都勞村人輸財助公有旌義坊

李良才 溪南人捐蓋
府典膳御

翁世厚 清泉人捐王
府典膳御

劉宗瑞 勞村人捐
千戶御

翁健 清泉人捐王
府典膳御

印槐 五都人捐王
府典膳御

翁侯 清泉人捐王
府典膳御

翁良標 清泉人捐王
府典膳御

吳堂 航川人捐魯
府典膳御

李汝明 白下人捐楚
府典膳御

李可清 溪南人

劉自耀 勞村人

洪思誠 市心人

胡士魁 十都人

翁滿 清泉人

葉士麟 新街人

李時祿 溪南人

李蓋臣 溪南人

方伯瑞 後街人

劉宗常 勞村人

吳伯彝 蕪潭人

胡仕昂十都

翁宸 清泉人 翰毅 濟荒給冠帶

已上舊志統曰義官

已上舊志已下續增

皇清

方元錦 後街人 乾隆十六年捐銀賑荒 分巡 道憲羅旌以樂善可風 府憲吳旌以

惠周桑 梓匾額

葉榮翰 厚堂人 乾隆十六年捐銀賑荒 道憲 府憲皆給匾旌之

張汝度 桃村人 乾隆十六年捐銀賑荒 府憲吳給匾旌之

壽昌縣志卷之八

壽昌縣志卷之九

嚴州府

知府事加六級紀錄九次吳士進
同知府事加三級史鳳輝 全監全定

壽昌縣知縣加一級紀錄四次鍾沛玉修

壽昌縣儒學教諭攝訓導事陸銘一

請養在籍原任長汀縣知縣邑人方暨謨全編

壽昌縣儒學廩膳生員毛培

貞節

德言容功皆可表見不獨節也而節為尤
烈栢舟兩髦登諸風詩聖人之意可見矣